

Na osnovu čl. 27. i 29. st. (1) i (6) Zakona o ustanovama („Službeni list RBiH“, br. 6/92, 8/93 i 13/94), čl. 7. stav (1) i 8. st. (1) i (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/3, 34/3 i 65/13), člana 23. stav (1) Zakona o pozorišnoj djelatnosti („Službene novine Kantona Sarajevo“, br. 42/13 i 6/16), čl. 42. stav (2), 43. i 44. Pravila Javne ustanove „Sarajevska filharmonija“, br. 195/02/UO/18 od 26.02.2018. godine i 94/02/UO/23 od 06.02.2023. godine, člana 31. Pravilnika o unutrašnjoj organizaciji i sistematizaciji radnih mjesta Javne ustanove „Sarajevska filharmonija“, br. 122/05/UO/23 od 17.05.2023. godine i Odluke Upravnog odbora Javne ustanove „Sarajevska filharmonija“ o raspisivanju Javnog konkursa za izbor i imenovanje direktora Javne ustanove „Sarajevska filharmonija“, broj: 1-708-6/2026 od 24.08.2026. godine, Upravni odbor Javne ustanove „Sarajevska filharmonija“ objavljuje

PONIŠTENJE JAVNOG KONKURSA ZA IZBOR I IMENOVANJE DIREKTORA JAVNE USTANOVE „SARAJEVSKA FILHARMONIJA“

Poništava se Javni konkurs za izbor i imenovanje direktora Javne ustanove „Sarajevska filharmonija“ objavljen 03.07.2026 godine u „Službenim novinama Federacije Bosne i Hercegovine“, dnevnom listu „Oslobođenje“, na web stranici Javne ustanove „Sarajevska filharmonija“ i web stranici Ministarstva kulture i sporta Kantona Sarajevo (u daljem tekstu: javni konkurs) i istovremeno raspisuje

JAVNI KONKURS ZA IZBOR I IMENOVANJE DIREKTORA JAVNE USTANOVE „SARAJEVSKA FILHARMONIJA“

I Naziv, sjedište i web adresa ustanove: Javna ustanova „Sarajevska filharmonija“, ul. Obala Kulina bana 9, 71000 Sarajevo, BiH, telefon: +387 33 666 519, e-mail: info@saph.ba, web: www.saph.ba.

II Opći uslovi za imenovanje:

- a) da je državljanin Bosne i Hercegovine
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri (slovima: tri) godine od dana objavljivanja upražnjene pozicije;
- d) da nije pod optužnicom Međunarodnog suda za ratne zločine u bivšoj Jugoslaviji (član IX 1. Bosne i Hercegovine);
- e) da nije osuđivan za krivično djelo i privredni prestup nespojiv sa dužnošću direktora;
- f) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine;
- g) da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organim vlasti u Federaciji Bosne i Hercegovine;
- h) da je zdravstveno sposoban za obavljanje dužnosti direktora.

III Posebni uslovi za imenovanje:

- a. visoka stručna sprema - VII stepen odnosno visoko obrazovanje drugog ili trećeg ciklusa Bolonjskog sistema studiranja - Muzička akademija;
- b. najmanje 7 (slovima: sedam) godina radnog staža nakon sticanja fakultetske diplome;
- c. da posjeduje organizacione sposobnosti;
- d. predložen program rada za mandatni period.

Kandidat za direktora dužan je, uz svojeručno potpisanu prijavu na javni konkurs, dostaviti dokaze o ispunjavanju općih i posebnih uslova.

IV Opis poslova i radnih zadataka direktora:

- a) organizuje i rukovodi radom Filharmonije;

- b) zastupa i predstavlja Filharmoniju prema trećim licima;
- c) odgovoran je za zakonitost rada Filharmonije;
- d) predlaže Upravnom odboru mjere za efikasno i zakonito obavljanje djelatnosti radi koje je Filharmonija osnovana;
- e) predlaže Upravnom odboru unutrašnju organizaciju i sistematizaciju poslova i osnove planova rada i razvoja Filharmonije;
- f) izvršava odluke Upravnog odbora;
- g) odlučuje o pravima, obavezama i odgovornostima radnika iz radnog odnosa (stara da se svi radnici Filharmonije što ravnomjernije angažuju u realizaciji godišnjeg filharmonijskog repertoara);
- h) odlučuje o korištenju sredstava u iznosu do 5000,00 KM (slovima: pet hiljada);
- i) podnosi Upravnom odboru Filharmonije izvještaj o finansijskom poslovanju;
- j) naredbodavac je za izvršenje finansijskog plana;
- k) odgovoran je Upravnom odboru za rezultate rada i finansijskog poslovanja;
- l) vrši i druge poslove i ima i druge dužnosti i prava utvrđena opštim aktima Filharmonije, u skladu sa zakonom i pravilima.

V Period na koji se imenuje:

Mandatni period od četiri godine.

VI Mjesto obavljanja rada:

Javna ustanova „Sarajevska filharmonija“, Obala Kulina bana 9, 71000 Sarajevo, BiH

VII Rok u kojem se podnose prijave i objava:

Petnaest (15) dana od dana posljednjeg objavljivanja.

Javni konkurs će se objaviti u „Službenim novinama Federacije Bosne i Hercegovine“, dnevnom listu „Oslobođenje“, web stranici Javne ustanove „Sarajevske filharmonija“ i web stranici Ministarstva kulture i sporta Kantona Sarajevo.

VIII Telefon kontakt osobe zadužene za davanje dodatnih objašnjenja: Alisa Salahović, telefon +387 33 666 519, e-mail: alisa@saph.ba

IX Adresa na koju se podnose prijave: Prijave sa dokazima o ispunjavanju uslova iz Javnog konkursa slati preporučeno na adresu Javna ustanova „Sarajevska filharmonija“, ul. Obala Kulina bana br. 9, 71000 Sarajevo, sa naznakom „**PRIJAVA NA JAVNI KONKURS ZA IZBOR I IMRNOVANJE DIREKTORA JAVNE USTANOVE „SARAJEVSKA FILHARMONIJA - NE OTVARAJ“**“.

X Dokumentacija koja se podnosi uz prijavu

Uz svojeručno potpisanu prijavu na javni konkurs sa kontakt podacima, kandidati su dužni dostaviti sljedeću dokumentaciju:

1. Biografiju;
2. Diplomu o traženoj stručnoj spremi ili akademskom zvanju;
3. Izvod iz matične knjige rođenih;
4. Uvjerenje o državljanstvu ne starije od 6 mjeseci;
5. Uvjerenje o ostvarenom radnom stažu nakon sticanja fakultetske diplome sa šifrom zanimanja koje izdaje Fond za penzijsko - invalidsko osiguranje ili potvrdu o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat ostvario;
6. Dokaz da posjeduje organizacione sposobnosti;
7. Program rada za mandatni period;

8. Izjavu ovjerenu kod nadležnog organa da kandidat:
- a) nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana objavljivanja upražnjene pozicije,
 - b) nije pod optužnicom Međunarodnog suda za ratne zločine u bivšoj Jugoslaviji (član IX 1. Bosne i Hercegovine);
 - c) nije osuđivan za krivično djelo i privredni prestup nespojiv sa dužnošću direktora;
 - d) nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine;
 - e) nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organim vlasti u Federaciji Bosne i Hercegovine;

XI Ostale napomene:

Kandidati koji dostave blagovremenu i potpunu dokumentaciju biće pozvani na intervju.

Po konačnosti odluke o imenovanju direktora, imenovani kandidat je dužan dostaviti uvjerenje o zdravstvenoj sposobnosti.

Kandidati koji nisu imenovani svoje dokumente mogu preuzeti lično u prostorijama Javne ustanove „Sarajevska filharmonija“.

Sve dokumente je potrebno priložiti u originalu ili ovjerenoj kopiji.

Nepotpune i neblagovremene prijave neće se uzimati u razmatranje.

XII Način predaje dokumentacije: Prijava sa obaveznom dokumentacijom dostavlja se putem pošte preporučeno na naprijed navedenu adresu ustanove u zatvorenoj koverti sa naznakom „Prijava na Javni konkurs za izbor i imenovanje direktora Javne ustanove „Sarajevska filharmonija“ - NE OTVARAJ“.

v.d.

dbora

Elvedina Kozadra

Broj: 1-708-7/2026

Sarajevo, 24.08.2026. godine

